



安徽通志

ル 5
1575
71



12 05
1375
71



重修安徽通志卷二百十二

人物志

忠節 十一

鳳陽府

漢梅福字子真壽春人補南昌尉後去官歸數因縣道上言變
 事求假輅傳詣行在所條對急政王氏寢盛災異數見福上書
 極言其害不納至元始中王莽顛政福一朝棄妻子去漢書本傳
 陳咸沛國浚人成哀閒以律令為尙書令王莽擅國多改漢制
 咸心非之及莽殺何武鮑宣等乃歎曰易稱見幾而作吾可逝
 矣即去職莽篡位召咸不肯應時三子參豐欽皆在位悉令解
 官閉門不出入猶用漢家祖臘人問其故咸曰我先人豈知王
 氏臘乎咸性仁恕常戒子孫曰議法當依於輕雖有百金之利

慎無與人重比

漢書陳萬年傳

吳樓元字承先沛郡蘄人孫休時為監農御史孫皓立為散騎中常侍出為會稽太守入為大司農舊禁中主者自用親近人作之皓求忠清之士以應其選遂用元為宮下鎮禁中候主殿中事元正身率眾應對切直數忤皓意後人誣元與賀邵耳語大笑謗訕政事遂被詰責送付廣州華覈上疏言元忠清奉公乞赦之以責後效皓疾其名聲復徙元及子據交阯陰敕將張奕令殺之據先病死奕以元賢者不忍殺會奕卒元殯斂奕於器中見敕書便自殺

三國志本傳並注

晉嵇紹字延祖譙國鉅人魏中散大夫康之子也十年而孤事母孝謹山濤領選啟為祕書丞人謂其在稠人如野鶴之在雞羣元康初為給事黃門侍郎賈謚誅以不阿比封弋陽子惠帝

復祚為侍中河間成都二王舉兵向京師紹免為庶人尋朝廷有北征之役徵復爵位紹以天子蒙塵馳詣行在值王師敗績於蕩陰百官潰散惟紹儼然端冕以身捍衛兵交御輦飛箭雨集遂被害於帝側血濺御服天子深哀歎之及事定左右欲浣衣帝曰此嵇侍中血勿去累贈太尉謚忠穆

晉書本傳

桓彝字茂倫譙國龍亢人父顯官至郎中彝早獲盛名雅為庾亮周顥所重起家州主簿為丹陽尹有惠政

為丹陽以下舊志別載甯國府名宦

并

今移累遷尚書吏部郎明帝將討王敦拜散騎常侍引參密謀及敦平封萬甯縣男尋補宣城內史蘇峻之亂糾合義眾欲赴朝廷長史裨惠以郡兵寡弱可案甲以須後舉彝厲色曰社稷危偪義無晏安乃遣朱綽討賊別帥於蕪湖破之會朝廷遣司馬流據慈湖為賊所敗彝以郡無堅城退據廣德王師敗績彝

慷慨流涕進屯涇縣州郡多遣使降峻裨惠又勸僞與通和以紓交至之禍彝曰吾受國厚恩義在致死焉能與醜逆通問如其不濟此則命也峻遣韓晃攻之敗彝將俞縱於蘭石因進軍攻彝彝固守經年勢孤力屈城陷為晃所害賊平追贈廷尉諡曰簡咸安中改贈太常五子溫雲豁祕冲晉書本傳梁裴之橫字如岳壽陽人好賓遊重氣俠兄之高以其縱誕乃為狹被蔬食以激厲之之橫歎曰大丈夫必作百幅被太宗在東宮聞而要之以為河東王常侍直殿主帥遷直閣將軍侯景亂出為貞威將軍討景京都陷退還合肥與兄之高同歸元帝隨王僧辯拒侯景於巴陵破之封豫甯侯除吳興太守江陵陷於魏北齊遣兵送貞陽侯蕭深明來主梁嗣晉安王承制以之橫為徐州刺史出守蘄城營壘未周而齊軍大至兵盡矢窮遂

歿於陣贈侍中司空公諡忠壯子鳳寶嗣梁書裴遠傳

裴畿之橫兄之高子也元帝時累官太子右衛率雋州刺史西

魏攻陷江陵畿力戰死之梁書裴之高傳

唐夏侯端壽春人高祖微時與相友大業中討賊河東表端為副義師興吏捕送長安高祖入京師始得釋擢祕書監李密之降其地未有所屬端請假節招諭乃拜河南道招慰使傳檄州縣並遣使順附次譙州會亳汴二州已降王世充道塞無所歸計窮彷徨麾下二千人糧盡不忍去端乃殺馬宴大澤中謂眾曰我奉王命義無屈公等持吾首與賊以取富貴眾號泣端欲自刎爭持之乃止行五日餓死十三四世充遣人以淮南郡公少吏部印召端端曰吾天子使甯汙賊官耶因解節毛懷之聞道走宜陽歷崖峭榛莽比到其下僅有存者帝憫之復拜祕書

監出為梓州刺史

唐書本傳

何武壽春人嘗被誣至州投石自明守釋之未幾寇起武詣守

曰此誠畢命之秋也俾領偏裨入樅陽兵潰鬪死

萬姓統譜

周憬壽春人與王同皎謀誅武三思須武后靈駕發伏弩射之

事洩同皎死憬遜入比干廟自剄將死謂人曰比干古忠臣神

而聰明其知我乎韋后三思虐害忠良滅亡不久可竿吾頭國

門見其敗也

唐書本傳

宋呂由誠壽州人徽宗末知乘氏縣有治績後知集慶府康王

移軍濟陽由誠竭力饋餉軍以不乏金兵至城陷不屈死之

東山

通志舊志

宦績新移

呂文信安豐人仕至武功大夫沿江副使諮議德祐初帥舟師

次南康斛林夾白鹿磯與元兵遇戰死贈定遠軍承宣使立廟

賜額

宋史本傳

姜才濠州人貌短悍隸淮南兵中以善戰名淮多健將然驍雄

無踰才德祐元年元兵攻揚州才為三疊陣敗之三里溝又戰

楊子橋日暮兵亂流矢貫肩才拔矢揮刀而前所向辟易元築

長圍欲以久困之明年宋亡元遣使持謝太后詔來諭才發弩

射卻之未幾瀛國公至瓜洲才與李庭芝泣涕誓將士出奪之

將士皆感泣乃盡散金帛犒兵以四萬人夜擣瓜洲戰三時元

擁瀛國公避去才進戰至浦子市烏珠使人招之才曰吾豈作

降將軍耶益王在福州使召才才與庭芝東至泰州將入海烏

珠追而圍之會才疽發背諸將開門降遂被執才肆為慢言烏

珠怒高之揚州

宋史本傳

洪福安豐人夏貴家僮也從貴積勞為鎮巢雄江左軍統制夏

貴以州降元福與子大淵大源同彭元亮結貴軍復之元使貴招福不聽又使其從子往福斬之城久不拔貴僞以單騎至城下給福福信之門發而伏兵起執福父子屠城中貴泣殺大源大淵呼曰何至舉家為戮福叱曰以一命報宋朝豈向人求活耶大罵貴不忠以身向南而死宋史姜才傳

鞏信安豐軍人為荆湖都統沈勇有謀本隸蘇劉義文天祥開督府劉義與信詣之官團練使督府都統制天祥以義士千人付之信曰此輩徒累人耳乃招淮士數千自隨天祥自興國趨永豐元兵追其後信戰於方石嶺中數矢自投崖石死土人葬之顏如生贈清遠軍承宣使立廟旌之宋史鄒鳳傳

金魏全壽州人泰和中宋李爽圍壽州刺史徒單義募人往斫爽營全在選中為爽兵所執不屈死贈宣武將軍宏簡錄

元張仲仁濠州人讀書尚氣節流寓泗州以賈魯召歸諭安豐死之子順禮繼往諭安豐亦死焉世稱父子完節元史類編

明趙德勝濠州人初為元義兵長太祖取滁陽德勝母在軍中乃棄其妻來從太祖喜賜之名從克全椒援六合下和州取儀真授總管府先鋒從渡江下太平敗蠻子海牙破陳兆先下丹陽平甯國轉領軍先鋒擢中翼左副元帥陳友諒犯龍江大敗之於虎口城累功授僉江南行樞密院事守南昌陳友諒大舉圍之環城數日德勝帥諸將死戰且戰且築城壞復完暮坐城樓指揮士卒弩中腰斃入六寸拔出之歎曰命也言畢而絕

追封梁國公諡武桓列祀功臣廟配享太廟明史本傳

常惟德懷遠人官鎮撫戰死鄱陽湖封萬春縣男肖像康郎山

功臣廟明史趙德勝傳

常德勝懷遠人官千戶戰死鄱陽湖封懷遠子肖像康郎山功

臣廟明史趙德勝傳功臣表

花雲懷遠人仗劍謁太祖於臨濠奇其才俾將兵略地所至輒克太祖立行樞密院於太平擢雲院判陳友諒以舟師來寇雲與元帥朱文遜等結陣迎戰文遜戰死賊攻三日不得入以巨舟乘漲緣舟尾攀堞而上城陷賊縛雲奮身大呼縛盡裂奪刀殺五六人賊怒叢射之至死罵聲益壯妻郤氏赴水死追封東

邱郡侯明史本傳

茅成定遠人自和州從軍克太平授萬戶累功至指揮副使從徐達攻平江焚張士誠戰船士誠出兵成擊敗之突至外郭中又死贈東海郡公祀功臣廟明史本傳楊國興定遠人以右翼元帥守宜興擊斬叛將陳保二授神武

衛指揮使從征士誠攻閭門戰死明史茅成傳

曹良臣安豐人積功封宜甯侯從副將軍李文忠北征至臚胸河收其部落文忠帥良臣等持二十日糧兼程並進追至阿魯渾河敵騎大聚將士皆死戰敵大敗走良臣戰死贈安國公諡忠壯祀功臣廟子泰襲明史本傳

常榮懷遠人開平王遇春再從弟從朱亮祖征蜀累官至振武衛指揮同知張耀者壽春人累功為指揮使俱以北征戰死命有司各表其墓明史曹良臣傳

孫興祖濠人從太祖渡江積功擢天策衛指揮使沈毅有謀大將軍徐達雅重之守海陵敗吳兵禽彭元帥進大都督府副使移鎮彭城從克元都置燕山六衛以興祖守之領大都督分府事洪武三年帥六衛卒從達出塞次三不刺川遇敵力戰死追

封燕山侯諡忠愍子恪襲

明史本傳

孫虎壽春人累功為海甯衛指揮使北征由東道入應昌至落

馬河戰死追封康安郡伯

明史濮英傳

劉成靈壁人以統兵總管從耿炳文定長興為永興翼左副元

帥吳兵十萬來攻城中兵僅七千炳文嬰城守成引數十人出

西門擊敗之轉至東門遂戰死贈懷遠將軍立廟長興

明史桑世傑傳

鄭遇霖濠人太祖下滁州遇霖為先鋒取鐵佛岡三义河大柳

等寨後攻蕪湖戰死

明史鄭遇春傳

李夢庚濠人從太祖渡江典文書佐謀議任行中書省左右司

郎中歷大都督府參軍謝再興之守諸全也部將私販易吳境

太祖怒殺部將召諭再興命夢庚往諸全總制軍事再興還鎮

忿夢庚出己上遂叛執夢庚降於吳夢庚死之

明史郭景祥傳

霍輝定遠人從征有功官都督僉事與諸將分道北征猝遇敵

率眾奮擊戰死耐祭功臣廟同邑武慰亦以功至指揮僉事從

徐達征沙漠陣亡贈指揮同知耐祭功臣廟

定遠縣志

胡惟孝定遠人明初知樂平縣方國華入寇被執不屈死之

統

志江西名宦

郭任定遠人一日丹徒人建文初官戶部侍郎飲食起居俱在

公署時方貶削諸藩任言天下事先本後末今日儲財粟備軍

實果何為者乃北討周南討湘舍其本而末是圖非策也燕王

聞而惡之兵起任主調兵食京師失守不屈死之子經亦論死

明史卓敬傳

國朝乾隆四十一年

賜諡烈愍

勝朝殉節諸臣錄

重修安海縣志

卷三十一

人物志

忠節

七

鳳陽府

王指揮臨淮人失其名常騎小馬軍中號小馬王戰白溝河被
重創脫胄付其僕曰以此報家人立馬植戈而死明史瞿能傳

國朝乾隆四十一年

賜諡烈愍勝朝殉節諸臣錄

胡觀定遠人東川侯海次子尙南康公主爲駙馬都尉靖難兵

起力戰死明史胡海傳

宋瑄定遠人西甯侯晟之子建文時官右衛指揮使與燕師戰

靈璧歿於陣明史宋晟傳

國朝乾隆四十一年

賜諡烈愍勝朝殉節諸臣錄

徐輝祖濠人中山王達之子也嗣爵燕兵起命帥師援山東敗

燕於齊睂山俄被詔還諸將勢孤遂敗及燕渡江猶引兵力戰

燕入京師獨守父祠下吏削爵幽之私第卒萬曆中錄建文忠

臣廟祀南都以輝祖爲首贈太師諡忠貞明史徐達傳

何清鳳陽人從太祖克和州等處皆有功建文時禦燕兵於白

溝河被執不屈死弟濟洪武七年授武德衛正千戶以備倭功

授指揮僉事旋被傷卒子鑑亦戰死白溝河鳳陽縣志

陶鼎鳳陽人洪武二十一年任雷州衛右所鎮撫巡視陸路兼

管海道時有倭寇數十艘揚帆海上將犯郡境鼎肅隊伍備之

賊登武郎場岸鼎馳擊之一鼓合戰手刃數人賊潰回帆而遯

數日賊恥其敗泊馬湖塘誘戰鼎益奮烈督軍士攻之竟陷沒

廣東通志新增

邱福鳳陽人起卒伍官燕山中護衛千戶靖難師起有大功封

淇國公永樂七年以大將軍出塞征本雅失里爲敵間諜所紿

馳至臚胸河敗績被害明史本傳

李遠懷遠人從燕王入京師累功為都督僉事封安平侯隨邱

福出塞至臚胸河諫福不聽遠帥五百人突陣馬蹶被執死追

封莒國公諡忠壯子安嗣伯爵明史邱福傳

伍雲定遠人以荊州護衛指揮同知從征交趾賊平調昌江衛

仁宗初隨方政討黎利於茶籠深入陷陣死明史陳洽傳

陳忠臨淮人累功官指揮同知自箇招市舁小舟入江破黎季

犛水寨攻多邦城先登調交州左衛進都指揮同知黎利寇清

化忠戰死仁宗憫之與伍雲皆優卹如制明史陳洽傳

崔聚懷遠人累功遷左軍都督僉事宣德初從柳升征交趾升

死聚帥軍至昌江殊死鬪被執賊百計降之終不屈死明史柳升傳

周安鳳陽人襲振武衛指揮僉事宣德閒從征交趾奮勇深入

殺賊數十人賊益眾圍之格鬪死於陣弟讓等十二人俱戰死

事聞遣進士王奎諭祭山西通志

魏貞懷遠人以進士官御史從英宗北狩死於土木之難明史王佐傳

朱勇懷遠人東平王能之子歷掌都督府事晉太保從駕至土

木戰鷓兒嶺中伏死天順初進封平陰王諡武愍明史朱能傳

宋瑛定遠人西甯侯晟之子尙咸甯公主正統中歷掌左軍前

府事瓦刺也先入寇瑛充總兵官戰陽和歿於陣贈鄆國公諡

忠順子傑嗣明史宋晟傳

按宋氏本定遠人移居合肥其後又有復居定遠者故二府

多互載

湯允勛字公讓鳳陽人東甌王和之曾孫為諸生負才使氣巡

撫周忱薦之朝少保于謙詢以古今將略及兵事應對如響授
錦衣千戶通問英宗於沙漠脫脫不花問中朝事慨慷酬答不
少屈成化三年擢署都指揮僉事為延綏東路參將分守孤山
堡奏請築城聚糧增兵戍守未報寇大至力疾上馬陷伏死事
聞贈祭如例明史湯和傳

劉雄臨淮人官四川都指揮僉事剛勁敢戰捕賊漢川生擒七
十餘人德陽人趙鐸反追之羅江大水河千戶周鼎傷雄前救
之徑奔賊陣叢刺死贈都指揮同知賜祭予襲明史何洪傳

皇甫斌壽州人先為興州右屯衛指揮同知調遼海衛宣德五
年禦寇至密城東峪自旦至晡力戰矢盡援絕子弼亦戰死詔
有司褒卹明史本傳

武興宿州人正統閒官漕運總兵戰死景泰時追封山陽伯諡

忠毅明史功臣表

邵鑑壽州人官臨安左所百戶正統閒征上江刀招罕寨力戰

死一統志

周藩宿州人嘉靖戊戌武進士歷任金山遊擊與倭戰馬蹶死

贈都督僉事封鎮國將軍宿州志

王標壽州人嘉靖閒官陽城典史剿賊遇害百姓惜之祀名宦

山西通志

高時宿州人官百戶以禦倭死於陣宿州志

張體恆宿州人嘉靖時肄業南雍歸途遇師尙詔之亂陷寇不

屈死妻吳氏亦被害宿州志

戚金定遠人少從伯父繼光軍官守備隨劉綎出關先登升副

總兵守古北口轉吳淞防海都禦萬曆末北征失利自刎死定遠

縣志

方震孺字孩未桐城人移家壽州萬曆癸丑進士由沙縣知縣入為御史天啟初疏陳拔本塞源論直聲震朝廷巡視南城中官劉朝等被訟魏忠賢為請不從卒上聞遼陽破震孺一日十三疏陳兵事慷慨請犒師軍民感悅命為監軍巡按核軍實稽功罪練士馬日無暇晷王化貞棄廣甯走列城聞之悉遯獨前屯以震孺在得無動御史郭興治誣劾其按遼時賊私魏忠賢素怨震孺誣以咒詛應坐大辟崇禎初釋還流賊犯壽州震孺倡士民固守城獲全史可法上其功用為嶺西參議後擢右僉都御史巡撫廣西聞闖賊陷京師慟哭率師勤王馬士英憚之勒還鎮以憂憤卒

一統志
明史本傳

國朝道光七年

恩准入祀鄉賢祠

壽州志

朱國相鳳陽人

江南通志
作榆林人

官中都雷守崇禎八年獻賊既陷潁

州其別部由壽州犯鳳陽鳳陽故無城國相率指揮袁瑞徵呂承蔭郭希聖張鵬翼周時望李郁岳光祚千戶陳宏祖陳其中金龍化等以兵三千逆賊上窰山多斬獲俄賊數萬至矢聚如蠟遂敗國相自刎死餘俱陣歿一時同死者衛指揮陳宏道千戶陳永齡百戶盛可學等四十一人諸生六十六人皆鳳陽人也又舉人蔣思宸聞變投繯死

明史尹
夢鼈傳

國朝乾隆四十一年朱國相袁瑞徵呂承蔭郭希聖張鵬翼周時望李郁岳光祚陳永齡並

賜諡烈愍陳宏祖陳其中金龍化盛可學蔣思宸並

賜祀忠義祠

勝朝殉節
諸臣錄

張應徵字賓明定遠人任泰安州同知土寇為亂城陷應徵手刃數人被執罵不絕口死

江南通志

國朝乾隆四十一年

賜諡烈愍

勝朝殉節諸臣錄

陳保山臨淮人以都司守臨淮流賊入境保山禦之力戰於龍

平寺死之

江南通志

國朝乾隆四十一年

賜諡烈愍

勝朝殉節諸臣錄

宋裕德定遠人鄆國公瑛九世孫李自成陷都城殉節死

明史宋晟傳

國朝乾隆四十一年

賜諡烈愍

勝朝殉節諸臣錄

沐天波定遠人黔甯王英十二世孫世嗣黔國公鎮雲南土司沙定洲作亂天波奔永昌亂定復歸於滇桂王由榔入滇天波任職如故已而從奔緬甸緬人欲劫之不屈死初沙定洲之亂母陳氏妻焦氏俱自焚死及奔緬妾夏氏不及從自縊死踰數十日收葬支體不壞人以爲節義所感云

明史沐英傳

國朝乾隆四十一年

賜諡忠節

勝朝殉節諸臣錄

沐天澤定遠人黔國公天波弟任都司沙賊叛率兵巷戰被執

不屈死

雲南通志

國朝乾隆四十一年

賜諡節愍

勝朝殉節諸臣錄

蕭頌聖定遠人爲麻城教諭獻賊陷蘄州從督糧參政許文岐

重修安徽通志

卷二百七

人物志

忠節

七

鳳陽府

殉節明史許文岐傳

國朝乾隆四十一年

賜諡節愍勝朝殉節諸臣錄

柳鳴鳳鳳陽人為安慶訓導流賊破城賊黨有同鄉者欲活之鳴鳳曰丈夫受君恩豈肯求活遂遇害其兄鳴鳳曾耗徽州訓導亦隱居不仕鳳陽縣志

國朝乾隆四十一年鳴鳳

賜祀忠義祠勝朝殉節諸臣錄

按江南通志鳴鳳誤作鳴鳳今從縣志訂正

武一謬宿州人為徐王墳祀丞流寇犯境一謬謂職司林木當

以死護遂同妻路氏闔門殉節江南通志

後永吉壽州人賊至脅從不屈死江南通志

許心亮臨淮人為賊所執罵不絕口死江南通志

國朝乾隆四十一年並

賜祀忠義祠勝朝殉節諸臣錄

趙之翰鳳陽舉人流寇入郡力戰殺數人死其子亦被害同邑

諸生何陞李國華皆罵賊死又諸生蔡世禎閉戶自經死鳳陽縣志

夏煊宿州貢生天啟聞助餉有功授文林郎職甲申之變痛哭

自刎死宿州志

單長庚宿州人崇禎閒官行營守備南都立國從高傑進兵歸

德傑為許定國所害長庚與同邑千總潘一鳳力戰死宿州志

劉復生字長卿壽州人世襲壽州衛中所百戶中天啟甲子武

解元歷官都督崇禎十六年永城總兵劉超反復生討平之甲

申亂為劉良佐所害壽州志

方元昭鳳陽人流賊犯長淮元昭率鄉勇保於十王城與方綜

文方成昭張老鴉父子朱鶴皋兄弟分守決死戰賊敗去合鎮

獲全綜文成昭戰死今長淮衛城隍廟有方元昭張老鴉塑像

鳳陽縣志按縣志綜文成昭死後老鴉亦受傷死元昭與老鴉

子戰敗賊又求得綜文成昭屍葬之似元昭未嘗死是役者

李開先定遠人豐城侯彬八世孫襲爵李自成陷京師不屈死

定遠縣志國朝李之實壽州人以歲貢授睢甯訓導順治九年膠寇陷城抗

義不屈與教諭王相呂同被害奉

旨贈國子監博士

江南通志汪吉鳳陽人官都司僉書順治十年一隻虎攻遠安總兵鄭四

維遣吉往剿遇賊於磨旗坪殲之乘勝進賊設伏來拒方追逐

閒伏起布滿山谷血戰至暮突圍不得出馬傷步戰力竭而死

奉

旨世襲雲騎尉

鳳陽縣志王福定遠人僑寓宣城嘉慶初客江陵值教匪滋事投營效力

以功官把總結賊黨吳登元為內應乘夜殺賊以登元歸旋以

追賊中鎗死奉

旨加等議卹廕子雲騎尉世襲恩騎尉

南甯府志秦攀元宿州庠生嘉慶壬戌十二月教匪滋事知州章鼎都司

楊荃皆被害攀元募鄉勇斷浮橋塞河口賊不得渡欲據州署

自固明日攀元率鄉勇杜如山營兵趙永浚等直抵州署奪門

入戰以眾寡不敵同死大兵至賊熾事聞

贈攀元雲騎尉世襲永浚如山同祀昭忠祠時同死者鄉勇張大萬許

添五陳大有周四海陳如玉劉懷信韓明遠劉岳王四曹禮趙

四饒玉張四馬得忠曹尙友張甯郭坤曹魁王天才劉志恆饒如玉謝天璧張景太周海王禮高魁三張克儉緱章二十九人營兵熊山曾尙友童有年張志邦馬得忠徐得名七人俱祀昭忠祠又有被戕兵丁五人被害鄉民七十七人亦得援死難例入祠配享茲不具載宿州志

賈沛壽州人官王莊把總宿州逆匪亂鳳廬道珠隆阿率師剿捕沛為前鋒面中火鎗不退時賊據州麻沛率數人踰垣賊眾抵拒同人者皆退沛遂遇害事聞

賜葬祭祀昭忠祠世襲雲騎尉壽州志

胡玉壽州人官宿州城守營把總逆匪亂禦之被害

賜祀昭忠祠世襲雲騎尉後子源清襲以道光初捕盜溺海死壽州志

張永清壽州人官壽春營外委逆匪之亂與賈沛同戰死事聞

賜祀昭忠祠世襲雲騎尉壽州志
方鳴高劉倫李洪皆壽州人為壽春營卒嘉慶十年蒙城逆匪李潮士作亂隨總兵德成額往剿之歿於陣壽州志
以上舊志

重修安徽通志卷二百十三

人物志

忠節

鳳陽府

朱匯源字沛臣壽州武舉鳳臺汛把總道光二十二年海疆軍

興調防浙江定海陣亡世襲雲騎尉是役也阜陽汛千總蔣士

洪把總李全福陳文貴李廷揚外委吳廷揚吳廷標劉桂五張

冠甲晏紹周均在定海陣亡

壽州志以下新修鳳臺縣志

麻勝國壽州人蒙城汛把總咸豐元年在廣西橫頭嶺陣亡又

武生呂廷揚營兵陶長清均出防廣西雙髻山戰死

壽州志鳳臺縣志

李錦堂壽州人軍功五品銜咸豐元年調防浙江定海陣亡

壽州志

韓映奎壽州武生廬州營把總以調防定海保千總咸豐二年調防武昌省城陷巷戰死世襲雲騎尉祀湖北省昭忠祠合肥縣志

壽州志

祁永安鳳臺人西洋集汛外委咸豐二年調赴湖北武昌府陣

亡兩江忠義錄

張鴻恩壽州人外委署懷遠千總咸豐二年同下蔡外委傅欽

和營兵張學端營書隗長清調防湖北蒲圻均陣亡壽州志鳳臺縣志

朱淮源字柳村壽州武舉父歿廬墓道光中署霍邱汛千總捐

賑旱災擢六安營守備請以雜款餘銀千兩給兵累官至直隸

游擊帶兵赴河南鹿邑防剿調潁州擊賊陣亡祀昭忠祠世襲

雲騎尉壽州志陳步雲壽州人襲雲騎尉署廬州營都司咸豐三年從江忠源

守廬州府城陷死之合肥縣志壽州志鳳臺縣志

余占鼇壽州人撫標千總從江忠源守廬州陣亡壽州志

凌志召定遠舉人歷任直隸知縣病歸咸豐初在籍團練從江

忠源守廬州府城城陷殉難事聞

旌卹定遠縣志

楊金鈔壽州武生拔補千總咸豐三年同武生楊凌霄隨征廬

州死之楊金鈔世襲雲騎尉壽州志

楊德山字依周懷遠拔貢官潁州府教授咸豐三年在籍率勇

堵禦髮賊城陷仰藥死世襲雲騎尉是年歲貢李榮昉殉難倪

人松倪人棠倪人標兄弟同死潘文友禦賊岫河陣亡懷遠縣志

陳聲培穆傳梓方永弼俱定遠人咸豐三年從知縣郭師泰堵

剿捻匪均陣亡又千總姜士豪在東關督勇戰歿定遠縣志鳳陽府志

義錄

吳廷輝鳳臺貢生咸豐三年募勇從呂賢基剿賊下蔡追賊蔡家湖遇伏死之鳳臺縣志

牛允淑宿州曹市集人捐資助餉議敘鹽知事咸豐三年同弟附貢祥淑子監生元福帶練禦髮賊陣亡事聞

旌卹是年曹市集人牛品三從李定邦防孫瞳集陣亡渦陽縣志

何大何二何三壽州人咸豐三年在亳州兄弟三人及何三之子何賺闔門死難亳州志

朱昌熙鳳陽臨淮鄉監生道光壬寅歲歉捐糧三百石錢三百千平糶咸豐三年辦團練禦髮賊殉難是年鳳陽廩生胡子墀

王瑞清附生席國泰李世清汛兵趙魁龍練長王錦監生姜汝芳姜汝言廩生姜汝璧文生姜汝霖及弟汝喜又宣長清同子

武生恩詔均率勇助剿與邱金章李三等均陣亡鳳陽縣志

萬汝淵鳳陽歲貢甯國訓導咸豐三年調防安慶城陷同子文生唐殉難世襲雲騎尉鳳陽縣志

彭登翰王培元徐永清楊育江朝義駢熙管吳鶴齡趙鍾趙載陽安金鑾熊玉麟俱鳳陽文生江朝棟王華三趙榮吳廣齡俱

鳳陽監生均於咸豐三年城陷殉難鳳陽縣志

周鳳翔周鵬飛蔣鵬飛俱鳳陽武生同軍功任海清等二十七人均於咸豐三年隨官軍剿賊陣亡又時大成黃大喜徐廷士

並助剿陣亡鳳陽縣志

鄒洛崔兆熙鄒漢俱鳳陽人咸豐三年均各全家殉難鳳陽縣志

何開泰字梅生鳳陽進士官湖北武昌知縣咸豐二年隨同克復武昌省城畱省差遣四年髮逆犯省城開泰守漢陽門擊賊

有功加同知銜是年六月賊擾塘角等處官軍潰省城陷巷戰死之七年

卹贈道銜世襲雲騎尉並准自行捐建專祠

史館鈔傳鳳陽縣志

林士鈐字錫臣懷遠舉人湖北同知署黃州府知府咸豐四年

留武昌省城監辦兵米髮賊圍城登陴守禦城陷死之世襲雲

騎尉祀昭忠祠

懷遠縣志

鄭連山壽州文生咸豐四年率練隨官軍剿匪與周焜趙得勝

李德裕李德山李德亮李士柱均遇害又監生王仲璋同戴家

澤率練丁陳虞望戈有等捕捻死之

壽州志

姚長增壽州人從九品咸豐四年粵賊陷正陽知長增為練首

悉縛其兄弟殺之一門殉難

壽州志

旌卹如例并建專祠是年張如桐一門殉難

壽州志

鄭省城壽州人咸豐四年率練禦髮賊正陽關被害子心餘心

廣救父死之又張塘同子紹祥率練巷戰被殺胡紹武偕弟繼

武子銘恩姪紹惠壽賊事洩死之

壽州志

徐華桂徐華祝徐華三俱壽州人咸豐四年兄弟率練拒髮賊

於正陽關均死之

壽州志

葛天桂壽州人咸豐四年子應隆率練禦髮賊受傷死天桂及

從九葛在中等二十九人闔門被害又時恆治時襄治時武亭

趙廷柏均各闔門殉難

壽州志

王之賓宿州石弓山監生辦團為捻賊所嫉咸豐四年闔家殉

難

渦陽縣志

邵保祺懷遠武生咸豐五年同王自成邵長林邵宗周在蒙城

南禦捻賊陣亡

懷遠縣志蒙城縣志

宋元方鳳臺文生成豐五年髮逆犯含山在營遇害壽州志
高鳳儀壽州人六品頂翎咸豐五年從僧忠親王剿捻陣亡壽州志

張維正鳳臺人文生張標之子咸豐五年率眾禦髮賊被害鳳臺志

壽州志

丁大嵐宿州監生成豐五年同子文銳率眾擊捻賊被執死邵
心福邱維楨亦於是年禦捻南坪被執不屈死監生曠士立闔
門自焚死俱同治六年

旌宿州志 奏案 胡

陳鳳曉懷遠人首倡團練屢挫捻匪咸豐六年春糧盡練潰被
執不屈父子三人同遇害是年副貢朱炳南父子在馬家湖同
死其闔門殉難者文童宋紹殷楊俊卿又六品軍功朱永品練

長楊學魯王朝選俱於是年禦捻賊陣亡懷遠志

年順行字辰園懷遠舉人五河訓導咸豐六年率眾在年家湖

禦捻死

贈國子監學錄世襲雲騎尉是年文生劉鳳鳴同六品銜年振揚年吉

禎童生年玉蘭年玉書年得強年景修年如春年升玉年修業

均以練總陣亡祀忠義祠懷遠志

年懋行字叔勉懷遠文生成豐六年殉難其子年長庚字子用

庠生是年督練禦捻賊湖溝陣亡均祀忠義祠世襲雲騎尉懷遠志

楊干城字擢材懷遠武舉霍邱千總在籍禦捻殉難世襲雲騎

尉懷遠志

黃坤元字小山壽州附貢咸豐六年任穎上教諭捻逆竄穎坤

元與叔父九齡率勇迎剿陣亡世襲雲騎尉壽州志

柏雲章字瑞清壽州人金山營遊擊咸豐六年調防定遠擊賊

陣亡世襲雲騎尉壽州志

張希愈壽州人咸豐六年出防懷遠陣亡壽州志

李鑑涵壽州人咸豐六年出防巢縣陣亡壽州志

李化龍壽州人把總咸豐六年同書識畢振標防廬州擊髮賊

均陣亡壽州志

桂映蟾鳳臺人咸豐六年同劉長安率練禦捻陣亡鳳臺志

徐良勤宿州人咸豐六年正月同徐良聘趙惟連鄭習勤禦捻

陣亡三月李克宏張方德張立言張立和張學文張坊達張學

斯張立評李添詞李添莠陣亡九月監生王仁甫等十二人陣

亡十月王志乾王開玲王繼玲王緒玲王志敏王志仁王志泮

王興邦陣亡均於同治六年

旌卹宿州志

孫希貴宿州人率勇百餘人禦賊小石山幾獲擒首李大喜擒

黨屬至慶戰力竭與趙惟堂李良勤均陣亡於同治六年

楊在中宿州文生成豐六年擒賊圍州城同文生宋量三民人

丁學戴蔡作新楊開萬李治安路宏量帶勇數千人拒戰符離

均陣亡又文生謝良楹在煤山文生趙彥博在翟家橋均以擊

擒陣亡俱同治六年

旌在中量三良楹彥博均廕雲騎尉宿州志

葛廷下葛廷彬俱靈璧人咸豐六年在大店集堵禦擒匪陣亡

靈璧志

重修安徽通志

卷三十三

人物志

忠節

六

鳳陽府

劉景華字松泉鳳陽副貢保知縣咸豐七年率子從九品長芬
禦髮賊於桐川力戰均陣亡於同治九年景華

贈知府銜世襲雲騎尉

鳳陽縣志

張玉豐懷遠人從九品咸豐七年率團剿賊與高金泰高立禮
曹鳳翔周相玉李東漢李正修常虎張懷富均陣亡玉豐

贈鹽知事銜祀昭忠祠世襲雲騎尉

懷遠縣志

楊兆熊懷遠人率勇三百人禦賊死傷殆盡兆熊被執不屈死
又監生沈汝湛同子之盤率練禦賊陣亡已

旌 懷遠縣志

宋貽藻懷遠人候選縣丞在山東陣亡已

旌 懷遠縣志

李學文懷遠人屢敵劇賊於咸豐七年率家丁二十人戰死是

年年玉樹在正陽關陣亡祀忠義祠文章楊學曾在滕家湖陣

亡 懷遠縣志

何應科懷遠監生同謝豹王德基何芳階高仁山金志唐先後
率練禦賊陣亡應科豹

旌 懷遠縣志

孫寶鼎懷遠監生同石如金潘兆香監生凌世輔武生陳懋善
楊應彪石振基先後禦賊死

旌 懷遠縣志

潘九華懷遠人同楊春城邵景華邵永挺潘從標房道平周培
周萬金黃文瑞黃景然陳平劉永茂燕永原楊吉士楊名學石

琮軍功張槐先後禦賊死 懷遠縣志

凌樹棠定遠舉人署四川越嵩同知咸豐七年剿辦酉陽苗匪

陣亡

贈太僕寺卿世襲雲騎尉定遠縣志

陳鈞和府經歷陳鈞乾附生俱定遠人兄弟同從征江西隨剿髮逆攻克臨江陣亡又同知陳鈞師從征浙江髮逆陣亡千總陳鈞慶從征河南剿捻李家谷陣亡俱

恩卹如例定遠縣志

蔡德勝定遠人參將從征江西髮逆陣亡

恩卹如例定遠縣志

張士傑定遠人副將從征陝西陣亡

恩卹如例定遠縣志

段瑞章壽州監生咸豐七年同監生李北山六品沈南華八品李振家民人周天永陳繼蘭王據德陳文友吳登秀陳顯華陳

紹榮陳克讓徐善嘉等先後率眾禦髮賊陣亡壽州志

徐光韶壽州監生咸豐七年髮逆竄老廟集光韶團勇擊退後

大股至陣亡壽州志

張志富壽州人髮逆竄三十埠志富約眾禦之被執死壽州志

劉篋壽州文生咸豐七年同監生孫秉鈞庠生戴汝蘭監生姚

苑童生朱維珍勇目汪大柱率練拒髮賊被害又楊春秀率楊

登甲等十三人陣亡壽州志

李汝賢壽州文生咸豐七年捻踞正陽汝賢率練剿之於宋家

塘同子化龍均戰死壽州志

胡澄齋壽州監生同監生張庶咸率練拒捻賊正陽關練瀆均

死之壽州志

錢青選壽州文生咸豐七年髮賊竄正陽全家殉難

卽建專祠專坊廕雲騎尉

壽州志

谷鳳墀張懷璞俱鳳臺人擒逆犯境戰敗各與弟姪等全家殉

難

鳳臺縣志

張成蹊壽州武生咸豐七年率練拒粵賊死之陣亡三百餘人

張族居其半監生李文炳率練擊賊陣亡五十餘人監生陳克

念陣亡數十人監生張玉善偕子振邦彥邦勤邦陣亡五百餘

人又王天爵李文光李忠袁大忠俱率練擊賊被害

壽州志

張忠壽州監生咸豐七年率練擊擒霍邱陣亡又從九劉朝彥

子鴻忠鴻恕庠生周耀焜子本恩本惠俱在霍邱境擊擒死之

耀焜世襲雲騎尉

壽州志

張務本壽州歲貢咸豐七年同庠生周炳奎貢生李蓮仙

選舉表作

人鳳臺監生龍紀常及周廷閣周廷璘周本昌俱率練擊髮賊被

害務本炳奎世襲雲騎尉

壽州志

袁際春壽州廩生咸豐七年同庠生袁登青從九袁耀寧率練

擊髮賊於正陽戰潰俱死之同時死者八十餘人

壽州志

常訓典壽州監生咸豐七年張落刑踞正陽訓典率練從官軍

擊於抹河口軍潰與常登甲等死之又五品呂祥修亦剿擒正

陽陣亡

壽州志

鄭聯誥鳳臺人從九品咸豐七年率練禦擒殉難

鳳臺縣志

吳希亮鳳臺人咸豐七年髮逆圍城擒逆踞正陽希亮築圩扼

賊要路大小數十戰殺賊甚多賊夜襲之圍圩被害

鳳臺縣志

王恩綬鳳臺增生軍功保縣丞咸豐四年督練力拒髮逆戰挫

僕李恆順死救得免七年帶練收復展溝集遇擒被圍仰藥死

鳳臺縣志

夏雲昌鳳臺人咸豐七年率眾禦髮賊被殺同時禦擒陣亡者
從九銜李復初文生何士杰鳳臺縣志

汪鼇壽州文生咸豐七年與弟魯子沛霖姪汝霖用霖同文生

趙炳南監生黃喬陳芬童生方孔嘉孔嘉之子長齡監生李振

玉文生李兆瑞均在雙門埠率眾擊賊陣亡又文生孫傳依在

雙橋集貢生顧麟光在淮河劉環基劉瑀基劉寶基馬瑞濤在

萬巖橋高岫雲在殷家店張燦朱泮雅蔡球朱喬林朱攀桂朱

折桂朱長仁王繼先在板橋集戚履道在隱賢集胡憲文在花

果園趙之良在眾興集俱率眾擊賊死壽州志

張鈞堂壽州人六品軍功粵逆竄眾興集鈞堂率眾迎擊與子
振聲姪雲龍均陣亡壽州志

劉秀山劉寶桂劉錫桂丁法馮習禮朱懷廉劉品章宋穎田方
守和錢廷樞張名儒馬瑞齡馬舜齡馬松齡馬景昌均力戰陣

亡壽州志

周廷謹從九品顧麟光貢生楊春芳庠生俱壽州人咸豐七年

率眾擊髮賊均死之壽州志

張炳南壽州人從九品從官軍剿捻潁州中礮陣亡壽州志

王之梅宿州人咸豐七年三月禦擒賊斬縣集李時傳禦擒於

臨渙八月王朝貴王朝尹從官軍剿賊俱陣亡於同治六年

旌卹宿州志

夏璜鳳陽臨淮鄉附生咸豐八年同武生趙世宏監生杜世榮
率勇攻髮賊於板橋均死之

旌卹如例是役也附生江炳文監生江炳南及曹懷祥吳守仁劉世勳

劉瀾劉瀑泉楊友全楊友順姜朝望耿兆方並在板橋團練禦賊死鳳陽縣志

張聖堂鳳陽人六品軍功同軍功張正興文生孫文謨徐耿光劉星羅築圩塔灣咸豐八年擒賊攻圩帶團出擊與文章劉子會等四十六人均戰歿奉

旨建立專祠聖堂正興

恩卹銀兩文謨耿光星羅蔭雲騎尉鳳陽縣志

周開初鳳陽歲貢咸豐八年同廩生周曰庠趙冠卿文生朱析楠胡金章朱析梁周開勳趙東壁常燮鼎褚金鑾張道開陳巨海常德慧孫秉乾武生鄒鳳池軍功趙士型李嘉訓從九品王謨童生常德宏程德儀築圩禦賊均陣亡同死者九十八人鳳陽縣志

亢序東鳳陽廩生咸豐八年率眾堵擒賊於苗家營眾潰自縊鳳陽縣志

李德新鳳陽舉人咸豐八年聯團戰擒賊不勝觸石死是年文生李文點亦聯團禦賊被害文生司桂蘭暨子文科文鼎小鼎均死之鳳陽縣志

耿烈盛鳳陽武生咸豐八年帶勇防堵九華山髮賊襲之戰歿文生李師運助剿死之徐步瀛率眾擊賊於鳳皇山陣亡鳳陽縣志

朱從觀字述秋鳳陽文生咸豐八年在定遠殉難祀昭忠祠鳳陽縣志

柳煒鳳陽人陷賊自拔累功保都司在定遠剿賊陣亡鳳陽縣志

陳盤書鳳陽臨淮鄉人咸豐八年同文生陳兆書武生陳兆龍文生陳之蕃率練陳金魁等擊擒均死之鳳陽縣志

黃廷颺鳳陽臨淮鄉人咸豐八年同刁澤周刁澤長牟友史保芳守棗巷集擒賊至率眾力戰死是年武生彭金重同彭金廣曹運培在臨淮帶團擊擒死之鳳陽縣志

劉燃蔡鳳陽文生咸豐八年帶團禦賊同弟從九品漢章憲書姪開藩兆蓉子開來均陣亡燃蔡世襲雲騎尉安撫奏案鳳陽縣志

劉雲祥文生陸占鼇武生俱鳳陽人咸豐八年帶練剿擒於長淮與汪鎔劉茂林等均死之是歲韓德麟李傑在劉府助剿陣

亡鳳陽縣志李思震黃立中俱鳳陽文生同監生李金鏊練勇袁錫齡俱剿賊陣亡思震世襲雲騎尉金鏊立中錫齡

恩卹銀兩入總祠坊鳳陽縣志

陸德和鳳陽人咸豐八年同楊逢春張體仁榮士純李春庭王

天剛陸太和團練禦擒賊戰明陵前陣亡又文生馮培元杜凌

雲王震淵均遇害鳳陽縣志

馮占科鳳陽監生捐資辦練并同文生趙鳳藻王桂林李春曉姜敬廷監生賈蓋武生安九達童生孫寶善民人趙鳳才趙鳳

師王鉉曹殿英曹殿邦趙殿邦薛殿揚先後帶練剿賊陣亡鳳陽縣志

劉鴻治懷遠人從九品咸豐八年率勇剿擒陣亡是年從九品倪前銳在虞耕山蔡文良蔡文厚在九龍集彭義成在太平集

劉廷在馬頭城均陣亡懷遠縣志林之喬字梓園懷遠附貢團練禦擒匪保知縣咸豐八年率練

禦張澹於渦河北陣亡蒙

贈知府銜祀昭忠祠世襲雲騎尉懷遠縣志

宋尙哲字濬明懷遠人辦理西北團練咸豐八年築圩禦捻死

懷遠縣志

之子采蘋采蘋孫裕魁裕美曾孫世毓等闔門殉難

汪大士懷遠人咸豐八年一門三十八人殉難又張嘉賓侯正

懷遠縣志

果石黑順徐廷棠宋康民監生楊聯珠謝召桂倪人桓文生張

雲臺楊肯堂李運昌俱一門殉難

胡文中懷遠人咸豐八年捻逆竄踞鳳陽懷遠繼陷文中走定

遠上書勝保請乘虛擣鳳陽規復臨淮懷遠又言張濳狡詐不

可撫皆不聽乃走京師條陳兵事懷書自經死御史林之望以

聞其後兩江奏

卹祀忠義祠

懷遠縣志

張齊璧張齊琮定遠人咸豐八年兄弟帶練禦髮賊於龍頭壩

陣亡又監生方觀濠亦禦賊受傷死

定遠縣志
兩江忠義錄

獲冊曠與賊遇殺數十人賊來益眾遂潰寬獨力猶手殺數人

而死同時有王加惠者亦被殺

廬州府志

吳之默字師時無為歲貢流賊破城蹂躪學宮默趨而罵之為

所殺同邑徐日章崇禎二年選貢曾任滋陽縣丞亦罵賊死

廬州府志

楊彪合肥人幼讀孫吳通古今成敗佐黃得功幕積功至總兵

明亡自刎死

廬州府志

方四合肥人者賊圍城四伏水中賊以為死也四倏從水底躍

起拉一賊同入水

合肥縣志

陸合新字涵臺巢縣舉人流賊陷城衣冠端坐賊脅之跪台新

曰我三十年老孝廉肯為鼠輩屈膝耶拔劍斫賊被殺

廬州府志

徐奇巢縣諸生城陷親視其妻及二女縊一妹歸甯亦自剄然

後從容就縊同縣諸生趙宏璧張益奇葛遇明張拱祿嚴成惠

張弓王善慶彭長齡俱罵賊死

廬州府志

楊無墊巢縣諸生明亡不食七日而死

廬州府志

陳經略何其鳴王大年陳國鼎張振之張振羽孔昭劉哲嚴正

中李之彩張桂芳劉旭崔巍陳經制姚履吉徐延典曾宏道汪

應乾李繼剛張源夏偉柯正榮俱廬江諸生崇禎乙亥與監生

張治猷張治矩張星煒張宿遠李豔林等守城禦流寇被執俱

不屈死

廬江縣舊志 新增

楊鴻功字冲若巢縣諸生乙亥賊去後入城細訪忠孝節義錄

成一書名曰屬陬錄而義僕節婢亦附焉壬午城復陷賊執之

見渠魁責以大義聲色甚厲將被殺二子爭以身代皆死

廬州府志

汪有宸無為人崇禎甲申夫婦殉難州人吳名鼈作傳

無為州志

龔雲騎尉府經歷薛家幹劉克俊出防廬州均各陣亡

鳳臺縣志

鮑亦昭壽州人咸豐八年出防廬州陣亡

壽州志

蕭廣業宿州人署白檀千總咸豐八年捻匪圍汎帶兵剿殺陣

亡於同治六年

旌卹

宿州志

夏正修宿州人以團練功賞六品翎頂咸豐八年戰擒匪於灰

古集殺馬賊數人復追敗於桃溝北深入被害

兩江忠義錄

王伯禮王占王正路余良孫士林彭元哲張廷樸康成煥游德

鈞陳占璧李永福王嚴恭王燦修俱靈璧人帶練殺擒咸豐八

年同增生王正民等百八十九人均被害是年趙道祿等十四

人諸生卜維新廖文著監生潘蔭桐武生張承祖練長張聰等

二十四人胡得蘭等十八人路玉璋等二百九人張濟太等十

一人增生王汝清等五十二人文童殷正倫等七人從九品王

惠普等十二人及練長倪萬林文童王桂馥王訓鼇並以擊擒

陣亡靈璧縣志鄒定山從九品李德元文生俱鳳陽人咸豐九年在汙瀾聯團

擊擒均死之鳳陽縣志

顧建三鳳陽文生咸豐九年率子應祥及顧明祥顧瑞祥等禦

擒賊均死之顧華山被執不屈死是歲徐兆福文生張太清均

在定遠殉難太清子文煊等闔門死之鳳陽縣志

郭法彭鳳陽臨淮鄉人豪俠尚氣節咸豐初糾族眾捍禦髮逆

以助官軍八年擒逆踞臨淮法彭聯絡義勇日以殺賊為事擒

首李允深忌之鳳陽縣志九年十一月袁甲三檄擊擒首張滌於鳳

陽法彭以其眾夜赴師半濟為賊所薄投水死子寶昌矢復仇

討擒積功至記名提督壽春鎮總兵世襲雲騎尉

贈法彭建威將軍徐子苓所撰墓碑

孫萬鍾懷遠人咸豐九年守常家墳寨七晝夜火藥用盡出剿

遇害懷遠縣志

陳鼎需定遠監生咸豐九年擒匪句結髮逆圍撲定遠鼎需同

族人捐資募勇嬰城固守力竭城陷與附生陳鼎煜陳鼎璜監

生陳鼎選陳敦培陳德培陳裕培文童陳吉培陳寅培陳壯培

陳憲培陳端培陳忠培陳山尊陳安均陳鍾奇陳鈞戴陳鈞澄

陳全才陳坦俱巷戰死之闔門男婦七十六人俱殉難又監生

吳兆林增生凌杰監生凌家鳳俱一門殉難同治元年均

恩卹如例專建祠坊又忽步衢一門四人忽承德一門十八人忽家興

一門十人均殉難定遠縣志

重刊安微通志

卷三十三

人物志

忠節

左

鳳陽府

陳鈞恬字熙亭陳鼎霽之族也候選縣丞咸豐九年逆匪圍城鈞恬偕監生陳鍾熙等八人同監生王熙載王嘉俊從九武備帶勇分守四門城陷巷戰殉難縣丞陳鍾華同弟鍾葆子衍濂均死之事聞均

旌

定遠縣志 胡肇智奏案

楊業敷字敬五定遠人府學廩生咸豐九年隨父監生贊勳守城城陷遇害已

旌

定遠縣志

穆定昌定遠武生咸豐九年同監生穆龍光武生穆玉鑾穆衛鑾穆朝棟守城闔門死之照陣亡例

賜

定遠縣志

王熙業字敬甫定遠廩生咸豐九年守城遇害

吳卿雲字耕陽定遠附貢以團練保訓導咸豐九年捻匪圍城督守數十日城陷被戕已

旌

定遠縣志

方銘琴字韻軒定遠文生咸豐九年城陷闔門死之

王學樞方汝醅方治齊魯文章俱定遠人均各一門殉難

楊兆煥定遠監生咸豐九年同鄉祥瑞率練解城圍連破賊營

入城防守城陷并及於難均祀總祠

凌煥綸定遠人縣丞咸豐九年髮逆圍城煥綸同廩貢生凌樹

蕃文生凌樹渠凌樹藻施長青監生凌樹良汪大田率練防守

城陷殉難各

旌

贈

知縣銜世襲雲騎尉

重刊定遠縣志

卷之三十三

人物志

忠節

七

鳳陽府

杭星垣定遠人五品軍功拾匪圍城督練守禦力竭遇害已

旌定遠縣志

吳大觀定遠人咸豐九年率練援城突入賊圍刃十數人力竭遇害已

旌定遠縣志

周鶴年字翼仙定遠文生年七十餘率眾守城城陷遇害又蔡

時夫年八十巡防東城監生吳鳴鑾力戰悍賊均死

朱錫璋定遠人國子監典籍賊偪藕塘率練迎戰死

侯錦章定遠人從九品以帶練獲土匪楊七功賞六品咸豐九

年率勇守城絕出擒賊奪獲器械城陷巷戰救出難民甚多力

竭遇害

宮天禮定遠人率練紮五里高橋助官軍擊賊陣亡

武承霖定遠諸生咸豐九年同諸生武鋈從九武玉和武桂林

武福乙武鍾淮六品外委武安邦監生武楚南武昌華武達卿

率族團練擊破賊營後以眾寡不敵退守縣城其時率族守城

者有候選教諭凌樹楨訓導吳桓廩生楊孟昭增生何廷翰庠

生何錫藩王嘉遇陳煜施秉謙從九陳璞等城破均死之武舉

王金波諸生程正棻監生吳驕尙武生吳楷從九鄭旭階等數

十人俱督團被害又武生楊清帶勇赴救入城助守亦巷戰死

朱佩芝字馥齋朱淮源子壽州武舉無為汎千總咸豐九年調

守定遠糧盡城陷死之

贈卹如例

王培煜字墨齋壽州廩生辦理團練咸豐九年禦賊被傷死世

重修安徽通志 卷二百十三 人物志 忠節 鳳陽府

襲雲騎尉又李光策築圩禦賊被害壽州志雨

吳楚賢宋元純俱壽州文生咸豐九年捻逆擾境率眾迎擊均

死之元純闔門遇害壽州志

張懷西壽州文童咸豐九年粵逆擾境懷西爭先堵禦遇害又

監生曹應豐及子曹祺死捻逆之難壽州志

甘瑞蘭鳳臺人六品軍功咸豐九年禦捻北爐橋陣亡鳳臺縣志壽

侯澄亭宿州文生咸豐九年捻賊圍孫家砦澄亭糾眾拒戰力

竭自焚舉家殉難廕雲騎尉侯金楷侯金堂侯金鏡侯金元皆

死之文童劉德瑾在渠溝圩戰歿千總趙繼武與張立崇張正

武隨同官軍剿捻陣亡宿州志

鄭化南靈璧文生咸豐九年春捻逆東竄化南同九品銜劉揚

玲帶練迎擊均死之同時陣亡者六百三十二人並祀固鎮昭

忠祠是年秋捻撲張家溝殷廷璽督團截擊陣亡九品張照齋

襲破賊圩遇害靈璧縣志

彭金雲鳳陽文生咸豐十年同監生彭金度及金度之子克昌

守圩拒苗逆圩破均死之鳳陽縣志

馬太和鳳陽增生候選訓導咸豐十年帶勇剿捻於定遠陣亡

世襲雲騎尉是年捻逆犯鳳陽陳小福守城死武生何廷俊監

生路克祥李文利在西長安山築圩禦賊同張文秉張本等七

十六人均死之鳳陽縣志

楊紹林鳳陽人從彭玉麟剿賊拔補外委咸豐十年甯國打仗

陣亡蒙

恩卹銀兩廕子入監鳳陽縣志

劉憲章鳳陽人千總同文生程瀛程昱昌程榮森楊仲俊李一

誠向君榮賈祥雲賈坤厚蔡芬蔡鑫蔡護蔡雲階焦貽謀武生

原霞監生闕應奎郭效儀童生張琢周培厚劉兆蓉王廷文軍

功孫泰字程得周張保坤吏員袁珠等八十三人均在南長安

山擊賊遇害鳳陽縣志

宋載陽字春煦懷遠人廣德州訓導咸豐十年州城陷同子庠

生芝生姪儒生金生均殉難世襲雲騎尉祀廣德昭忠祠兄監

生載璜先於咸豐三年殉難弟載籍於八年與妻邵子性生闔

門殉難懷遠縣志

李應詔字金門壽州舉人徽州府訓導隨張芾辦團催督各村

練勇以功保知縣咸豐十年八月粵賊偏城有約之去者應詔

曰此城猶王羅冢也城陷遂死之世襲雲騎尉歙縣志壽州志同治四

年奉

旨附祀徽州府城張芾專祠史館鈔張芾列傳

顧廷秀顧秉衡顧家訓俱壽州人咸豐十年髮逆破顧圩陣亡

同死者百四十餘人壽州志

涂紹勳壽州文生咸豐七年督練擊髮賊有功保訓導八年助

復六安加五品銜十年苗逆南竄紹勳約練拒戰歐血死壽州志

馬錦標壽州人署壽春中營把總咸豐十年苗逆陷城率兵巷

戰陣亡一門殉難又外委張迎春張宏春受傷自經死壽州志

陶竣壽州人咸豐三年以馬兵從攻廬州巢縣廬江舒城保把

總十年賊攻定遠派守南門城陷死之兩江忠義錄

蘇炳南鳳臺武進士官會甯守備告歸辦理團練咸豐十年苗

逆將謀叛懼炳南誘與會議被害兩江忠義錄

耿冠武宿州武生咸豐十年二月同耿鳳羽耿明林耿明由耿
松山耿丑山王景伊石盤城陳平劉林張端率眾禦捻賊石弓
山陣亡八月張立堂張立棟王仁美張啟鳳張啟山張學允俱
陣亡均於同治六年

旌卹 宿州志

馬百雨鳳陽人咸豐十年浙江長興縣禦賊陣亡

旌卹祠坊 浙江秦案

柳金標張桂元孫家桂柳增賢張堂並鳳陽人俱千總咸豐十
一年捻逆再犯鳳陽柳家圩同軍功五品趙寅章余坏夏寅章
六品張正元張奎元等禦之均陣亡顧新等四十六人並同死
之 鳳陽縣志

張朝佐鳳陽文生從正陽水師營剿賊陣亡 鳳陽縣志

韓福修懷遠人訓導咸豐十一年從壽春鎮剿苗逆於壽州城

陷死之 壽州志

孫憲章字典五懷遠人以辦團保六品咸豐十一年在南鄉禦

賊死入祀總祠 懷遠縣志

孫家良字翰卿壽州進士歷官福建汀州府知府有弭盜功咸
豐十一年髮賊犯汀家良城守數十日食盡城陷巷戰重傷被
害子東河通判傳瑩及家屬十二人闔門殉難事聞奉

旨忠孝節義萃於一門從優議卹

贈太僕寺卿傳瑩道銜均

賜祭葬世襲雲騎尉 壽州志

孫家泰字引恬壽州附貢官刑部員外郎咸豐三年隨呂賢基
回籍辦理團練以事罷職十年苗沛霖叛將圖壽州伏黨援城

內家泰發其謀誅苗黨沛霖深嘆之明年圍城巡撫駐城中檄家泰守禦五月圍益急聲言得家泰乃解圍巡撫遂致家泰於獄適按察使張學醇矯稱奉督師袁甲三密檄檻送家泰於臨淮未行仰藥死城圍卒不解同治二年苗逆伏誅經曾國藩等奏稱孫家泰於苗逆初起辦練之時決其必叛卓識遠見嫉惡如仇遭害長終一門四世慘死請

旨優卹開復原官晉四品卿銜

賜祭葬建專祠專坊世襲雲騎尉

壽州志

孫贈祖字瑤軒孫家泰之父也鹽大使樸直好施道光中舟載餽餌給散飢民咸豐初迭助軍餉協修城垣家泰殉難之歲九月城陷罵賊死次子訓導家德孫鹽大使傳洙傳洙傳濟及家屬十餘人殉之同治三年曾國藩等以一門忠孝奏聞奉

旨優卹專建祠坊贈祖家德傳洙均世襲雲騎尉又訓導孫家洪府經

歷孫家彥廩監生孫家鎔從九品孫傳熙監生孫傳科孫傳省

均死之家彥傳熙世襲雲騎尉家鎔廕雲騎尉

壽州志

蒙時中字協齋壽州人從九品辦理團練加六品銜與孫家泰俱為苗逆所嗾家泰既死苗逆在下蔡又聲言得時中則立解壽州圍張學醇購之急時中趨下蔡苗逆囚之四十餘日不屈死事平

贈通判銜附祀孫家泰專祠世襲雲騎尉

壽州志

孫傳錄壽州人從九品咸豐十一年同孫傳恭孫多齡孫傳仁孫家騏張粹然等先後帶練剿賊被害孫傳輪孫傳洛孫傳琨文生孫傳衣孫傳義孫傳習孫傳兆孫傳統孫傳範孫家寶廩生孫家沛監生孫傳甲文生孫家濬等八十五人均死之

壽州志

李如璋壽州人瓦埠汛外委咸豐十一年苗沛霖叛奉翁同書檄通糧道出戰被執死之壽州志

陳寶慈壽州附生候選訓導辦理防堵咸豐十一年城陷遇害全家殉難三劉集哨官潘廷彩六品軍功金在鎔均巷戰死寶

慈世襲雲騎尉又武舉千總周鎮邦在周家圩從九張煥然在康家店徐克誠汪發揚徐煥章在州城外戴珊在劉帝城均帶

勇禦賊陣亡壽州志兩陳文韜鳳臺武舉城陷全家殉難又文生陳景星王冤民人楊

余斗朱訓揚周普均各全家殉難鳳臺志謝炳孝字承慈鳳臺人以辦團給六品銜咸豐十一年苗練叛

旌卹壽州志
鳳臺縣志

城陷被執死弟炳忠於二次城陷全家殉難同治四年

張福生壽州人兩江忠義錄游擊管帶礮船咸豐十一年與其父

張克儉並死苗逆之難壽州志張景禮字履齋壽州人五品銜候選從九品歲饑日以餅餌助

軍督練守東津要隘咸豐十一年城陷仰藥死壽州志鳳臺縣志

滕士良鳳臺人六品軍功咸豐十一年從翁同書禦苗逆同姪錦寬錦元在東津渡帶勇督戰均陣亡鳳臺縣志全案八口

柏益三壽州人從九品苗逆圍城益三捐資助餉率練攻賊遇害世襲雲騎尉壽州志

閻廷枏壽州人六品銜文生帶練守城遇害又武生鄭玉堂五品銜金在鎔六品銜邊殿甲千總滿玉堂外委朱貫一俱帶練

守城死之壽州志汪保朝壽州庠生同童生霍儒林石萬炬率練禦苗逆於茶菴

集陣亡又從九張煥然在康家店監生張沛然張汝芝在張圩營兵於志謙來國勝在北門外俱帶練擊苗逆陣亡壽州志

李馨華壽州人從九品苗逆圍城同外委王德林黃澄清童生

鄒志修柏金萱先後率練出隊陣亡壽州志

張大治壽州人六品軍功帶練擊賊雙古埠被害又軍功李鴻

賓在兩河口出隊陣亡壽州志

章冠珠壽州人咸豐十一年同子八品銜保廷即寶全家八口

死苗逆之難壽州志

柏文詢縣丞吳鶴卿從九品俱壽州人並一門死苗逆之難均

世襲雲騎尉建專祠坊又監生李秀然六品銜方溪士民人王

長順孫長樂張同仁方國璽俱一門殉難壽州志

平凌霄壽州武生倡練禦苗咸豐十一年一家六人殉難凌霄

以憂忿卒監生平繩武亦以圩破死壽州志

謝於選舉表柱字又東鳳臺歲貢以辦練保訓導咸豐十一年

苗逆叛城陷全家投井死於同治四年奉

建專祠世襲雲騎尉鳳臺縣志

懷志本壽州人徐家口外委防守壽城被殺全家殉難壽州志

懷志勇孫允並鳳臺人俱全家殉難鳳臺縣志

何若愚鳳臺人五品銜縣丞苗逆叛城陷同子蓮萼巷戰不屈

死鳳臺縣志

周瑞雲鳳臺人五品銜把總在史家背帶礮船禦苗逆陣亡鳳臺縣志

王者香鳳臺文生苗逆圍城袁甲三密檄率練救援事洩被害

鳳臺縣志

李應堂鳳臺人李廷揚之子世襲雲騎尉城陷同軍功李福慶巷戰被殺鳳臺縣志壽州志

穆安邦鳳臺人守備署定遠把總調守壽州道出蚌浦遇賊戰死鳳臺縣志壽州志

張其賢隗峯俱鳳臺人咸豐十一年苗逆圍城同胡林中黃信賢等二百六十一人均陣亡彭世獻彭世文均以防堵陣亡鳳臺縣志

徐樹棠壽州人六品軍功咸豐十一年率眾拒苗同死者徐宏縣志

概鄒貫德余永順等三十三人又李永春陶熹徐光春葛永州同銜監生張葆鼎亦率勇擊賊與勇丁胡春等均陣亡壽州志

李銳鋒壽州監生築菱角圩拒賊咸豐十一年苗逆圍州城官軍書檄由銳鋒圩來往苗逆破圩與童生李銳鐸等二十餘人

死之壽州志

柏鳳章壽州監生以捐資守禦保主簿銜咸豐十一年苗逆叛鳳章守禦如前城陷服毒死壽州志

朱淮朋壽州人營千總咸豐十一年同八品軍功范俊在柏家圩率勇拒苗逆陣亡又武舉卽補千總周鎮邦文生葛綸沛監生周振凡六品軍功吳同志葛靜一及黃迎寬父子四人在周家圩凡二百六人皆陣亡六品軍功方金盤在五埠陣亡壽州志

余壽蔭方大官俱鳳臺人咸豐十一年杭城復陷均各全家殉難鳳臺縣志

趙元龍壽州武生以守備署霍邱汛千總咸豐十一年髮賊竄

霍邱陣亡世襲雲騎尉壽州志

余正祥壽州人有子永康永珮咸豐四年廬州營陣亡十一年

正祥全家死苗逆之難於同治四年奉准建專祠專坊壽州志鳳臺

張心廣壽州文生闔門殉捻逆之難壽州志

吳濬吳濤鳳臺人濤以從九品加五品銜咸豐十年苗逆之難兄弟共率練守城均死之鳳臺縣志壽州志

劉占祥鳳臺人劉朱書之子把總署三漕外委運糧遇苗黨被執與父朱書同死之世襲雲騎尉鳳臺縣志壽州志

蘇洪韜鳳臺武進士甘肅都司咸豐十一年在籍死苗逆之難壽州志鳳臺縣志

鄭其誼宿州人從九品咸豐十一年隨徐州鎮在汶上剿捻陣亡世襲雲騎尉是年鄉勇周秉鈞等十三人在宿州之董家橋監生周隆業等六人在奶奶山均剿捻陣亡於同治六年

旌卹宿州志

孫夢祥靈璧文生咸豐十一年四月捻逆東竄夢祥帶勇禦之

與陳廷科陳廷佐魏汝湘王德立侯夢元田安法均死張述義等十一人從陳廷科力戰陣亡王德立闔門殉難是年九月苗

逆襲高圩高善祥趙玉振等均戰死靈璧縣志盛希禹盛學思並宿州蔡湖人築圩保衛鄉里圩破均陣亡渦陽

王朝海千總金添蔭外委俱鳳陽人同治閒直隸剿捻陣亡又

千總陸殿魁把總劉春和均在山東剿捻陣亡並世襲雲騎尉鳳陽縣志

贈守禦所千總銜鳳陽縣志

李桃鳳陽人從李鴻章剿捻拔補把總隨營打仗陣亡

馬維敏喬元功俱宿州童生同治元年捻逆迭掠宿境維敏等築二郎山砦禦之五月被圍力竭闔砦自焚譚秉仁譚秉禮侯俊明乞援於官軍隨剿敗潰皆死之是年

贈維敏從九銜世襲雲騎尉并建專祠專坊元功

贈把總銜同時殉難之馬廷蘭馬光文馬廷文馬廷聘馬維勵馬廷彥

馬景雲岳世文岳世興喬元棟下功楊貫斗馬效如等男女二千三百餘人一併附祀譚秉仁等於同治六年

旌卹 宿州志

殷維維王有志俱靈璧監生同治元年五月捻逆破寨力戰均死之是年四月捻偏縣城李玉章莊洪然及呂景沂等七人殺

賊陣亡 靈璧縣志

孫永勝鳳陽人從征湖北拔補把總打仗陣亡世襲雲騎尉 鳳陽志

縣志

陶德輝鳳陽人從征陝西保參將在營打仗陣亡 鳳陽縣志

薛映遠字蘆洲壽州人父家秀咸豐十一年死苗逆之難映遠

由行伍署壽春右營千總同治二年苗逆犯壽州映遠守南城

餉絕盡出家儲助軍城陷與弟右營外委金遠 一作都司銜守

備殷扶保力戰陣亡映遠金遠均世襲雲騎尉 壽州志 鳳臺縣志

孫鴻祖字琴溪孫燕祖字翼亭從九品孫法祖字少齋附貢俱

壽州人捐資辦團督練防守同治二年苗叛城陷均死之鴻祖

世襲雲騎尉法祖廕雲騎尉 壽州志

崔洽平壽州人正陽汛把總同治二年苗逆圍城同把總王玉

堂守西南兩門城陷均死之又把總朱在國外委魯長春歐朝

樂額外李映祥六品軍功王悅薛鴻猷八品軍功潘維藩守南

門五品軍功黃兆六品軍功劉錦春守東門候選訓導黃春元
外委邊福厚許殿甲吳天德楊夏禮李永祥俱陣亡壽州志
錄兩江忠義

劉彥煒鳳臺人八品銜同治二年守州北門城陷死之世襲雲
騎尉又署懷遠千總孫慶元文生何需霖營兵盛世官軍功張

文林均城破殉難壽州志
鳳臺縣志

呂際清鳳臺人從九品同治二年督練守北門禦苗逆城陷與

從九品宋壽昌監生劉純熙均殉難鳳臺縣志

張同春鳳臺人壽春營外委城陷巷戰殺苗賊數十名被執死

鳳臺縣志

邵憲章字克傳鳳臺人以軍功選柳州府經歷未赴任同治二
年苗逆圍城憲章同姪從九汝珍帶勇防守城陷被執死均世

龔雲騎尉壽州志
鳳臺縣志

邱春雲壽州人同治二年同郭得金郭兆位率眾攻苗逆於劉

帝城與陳建猷張懷清陳懷賢石懷學等十八人王德恭等五

人均陣亡壽州志

潘廷貴鳳臺人游擊銜無為州把總城陷死之把總吳占鼇張

華林吳振邦許干城外委葛全良胡安邦吳成標均死之鳳臺縣志

馬蔭遠字朗軒壽州舉人統帶西城遊兵同治二年苗逆復叛

城陷被執不屈死一門二十餘人殉難父從清被脅仰藥死壽州志

柏汝楨壽州監生六品銜同治二年督練數斫苗逆營壘城陷

巷戰死又歲貢柏蔭棠監生柏之楨同子文訓圩破不屈死壽州志

楊希震壽州廩生孫清徽鳳臺縣文生同治二年苗逆復叛希震隨知州守城清徽誓與城存亡及城陷俱死之均廕雲騎尉

壽州志

程克俊壽州人從九品同治二年苗逆復叛城陷克俊以守禦被執不屈死

壽州志

柳蔭濟壽州人管帶遊兵在東門禦賊被害

壽州志

葉忠蓋字樹藩壽州人同治二年忠蓋率練堵苗賊死王連年

隨練攻苗亦死之

壽州志

魏象晉壽州人同魏象觀率眾擊髮賊於東橋集均遇害

壽州志

劉德貴壽州人一門十五人殉難李長清朱長玉朱荀揚姚金

方王友任廣志李秉忠夏懷永朱順揚李誠汪士林陳至仁劉

菁竹邊云懷于學會錢大成張學顏張茂坤徐惟清俱一門殉

難壽州

張兆麟謝炳琪陳禮閣平安李春化朱長玉余學會朱家春李

金順范得春趙順陶長安朱福心陶克信陳魁吳永安紀文有

王致中黃臨祥高鳳祥畢長發黃桂元顧三俱鳳臺人苗逆圍

城均各全家絕粒殉難已

旌鳳臺縣志

葛金生壽州人六品軍功同治二年懷遠陣亡

壽州志

曹學純鳳陽人都司同治二年從陳國瑞剿捻陣亡

鳳陽縣志

孫永祥懷遠人同治二年率子大全約族人作官軍內應事洩

苗黨害之父子均死又監生劉巨岫與劉待劉文恆劉文興劉

士江同被苗黨所害

懷甯縣志

馬廷珍懷遠人城陷闔門死之又文生王紹先文章孫良馬儒

樞王元翰段樓香王鵬飛鮑鼎元均闔門殉難懷遠縣志

魏正銓定遠人同治二年闔族四百七十三人殉難又年懷寶

闔門十四人殉難均各建專祠專坊胡肇智奏案

徐渭川字晴波鳳臺人五品軍功從九銜同治二年苗逆圍城

帶練防守城陷不屈死鳳臺縣志

李延炳鳳臺人六品軍功守城被害鳳臺縣志

王鎮鳳臺人從九品奉委巡城及陷遇害鳳臺縣志

謝遐齡宿州人從九品同治二年率眾禦捻賊趙家灘斃擒首

李拗等百餘人砦破力戰死練總趙志浩文童趙惟招等百七

人同死之同治六年

旌卹坊祠遐齡世襲雲騎尉宿州志肇智奏案 胡

李成勳宿州監生同治二年率眾堵截擒匪與朱光桂等死之

同治六年

旌卹宿州志

張廣仁靈璧人同治二年擒過城下接仗陣亡靈璧縣志

趙世良鳳陽人游擊同治四年從郭寶昌河南剿擒陣亡鳳陽縣志

康錦標懷遠人從征豫東積功至游擊同治四年在鄆陵剿擒

力戰死

恩卹如例懷遠縣志

劉廷幹宿州人軍功游保游擊果勇巴圖魯同治四年剿擒河

南戰於沈邱之迎仙店陣亡照副將議卹世襲雲騎尉宿州志

周恆義宿州人軍功守備隨營剿賊陣亡世襲雲騎尉宿州志

孫景福宿州人軍功游擊加副將銜在臨邑剿賊受傷死世襲

雲騎尉宿州志

蘇順昌鳳臺人同治五年率子茂林禦捻陣亡鳳臺縣志

金堯鳳臺人同程德潛程德位馬建中黃純修充當練長均率

眾禦捻匪陣亡鳳臺縣志

王之維鳳臺人檄赴孤堆集收復民圩遇賊被執死鳳臺縣志

李言坤宿州人把總同治五年從征山東剿捻陣亡

贈千總銜世襲雲騎尉宿州志

張錫嶸原名錫榮字敬堂靈璧進士由編修授雲南學政苗匪

圍撲省城錫嶸襄辦巡防旋以父憂遽歸被議同治五年曾國

藩督師剿捻奏辦臨淮營務帶勇敗賊於河南周家口駐防汝

洛六年同劉松山援陝剿回匪於長安縣雨花寨陣亡事聞

贈翰林院侍講學士銜世襲雲騎尉錫嶸好學耐勞操守廉潔治軍紀律嚴明所過秋毫無犯軍民懷之著孝經詩經章句慎終瑣言

及詩文集靈璧縣志

談家寶壽州人六品軍功剿賊陣亡同治十一年

贈守禦所千總銜世襲雲騎尉李鴻章奏案

周福五壽州附生同藍翎五品鹽大使孫傳鈞禦賊陣亡同治

十一年

旌卹祠坊黃鉅奏案

人物志
十一
...

重修安徽通志卷二百一十四

人物志

忠節 十三

潁州府

周伍員字子胥潁之乾谿人父奢為楚平王所殺員走入吳闔廬既刺王僚召伍員為行人以謀楚魯定公四年與楚戰柏舉楚師敗遂入郢吳有內亂遂歸闔廬死夫差立敗越於夫椒越厚幣請和員諫不聽太宰嚭讒之夫差乃賜之屬鏹之劍遂自剄死

史記本傳

晉曹攄字彥遠譙國譙人祖肇魏衛將軍攄少有孝行好學善屬文王衍見而器之補臨淄令雪孝婦冤歲終開獄出死囚剄日令還至日畢來無違者一縣號曰聖君齊王罔輔政攄為記

室戒以居高慮危在盈思冲不納果敗惠帝末為襄城太守永嘉二年流賊王道寇掠城邑高密王簡遣參軍崔曠討之令曠督護曠性奸凶譎攄前戰期為後繼既而不至攄獨與道戰於酈縣軍敗死之故吏百姓奔喪會葬號哭即路如赴父母焉晉書本傳

丁穆字彥遠譙人積功封真定侯為順陽太守太元四年苻堅寇順陽穆戰敗被執至長安不肯仕堅傾國南寇穆與關中人士倡義謀襲長安事泄遇害臨死作表以付其妻周氏周後詣闕上之孝武帝下詔傷悼贈龍驤將軍雍州刺史晉書本傳

宋呂祉字安老建州建陽人霍邱縣志作霍邱人宣和初上舍釋褐建炎二年為右正言歷知建康府祉到官作東南防守利便三卷上之紹興七年以兵部尚書節制淮西統制酈瓊叛降於劉豫擁

祉至三塢距淮三十里祉下馬曰劉豫逆臣我豈可見之眾偪祉上馬祉罵曰死則死於此耳遂遇害時有得祉括髮之帛歸

吳中者其妻吳氏持帛自縊宋史本傳孫暉霍邱人靖康之亂圍結淮民保護鄉井擢招信尉建炎三年金人陷泗將渡淮暉率民兵禦之相持半日金以疑兵擊暉自上流渡城陷死於救書樓宋史本傳

牛富霍邱人制置司遊擊砦兵籍勇而知義為侍衛馬軍司統制戍襄陽移守樊城累戰不少衄數射書襄陽城中遣呂文煥相與固守兩城凡六年不拔富力居多城破富率死士百人巷戰殺傷不可計渴飲血水轉戰前遇民居燒絕街道身被重傷以頭觸柱赴火死贈靜江軍節度使諡忠烈賜廟建康宋史本傳

蕭明哲字元甫太和人少舉進士文天祥開府汀州辟充督幹

架閣監軍師出嶺明哲以贛縣明義復萬安連結諸砦拒守兵

敗被執不屈死於隆興宋史鄒淵傳

劉士昭太和人嘗為鍼工與鄉人同謀復太和縣事敗以指血

書帛云生為宋人死為宋鬼赤心報國一死而已因以其帛自

縊死其黨有王士敏者題其裙曰此生無復望生還一死都歸

談笑間大地盡為腥血汚好收吾骨首陽山臨刑歎曰恨吾病

失聲不能大罵耳宋史本傳

元李冕潁州人黼之兄也至正辛卯劉福通亂以紅巾為號流

劫鄉市冕率眾拒之被執罵賊死其季子秉昭從其叔黼死於

九江初武昌陷黼謂子秉方曰我國之守臣當死此土汝可奉

母往下江依伯父以存吾後秉方不肯行秉昭力勸之秉方乃

去不半月而黼死節比秉方至冕已死義於鄉元史李黼傳 輟耕錄

李黼字子威冕之弟父守中官工部尚書黼泰定四年賜進士

第一授翰林修撰至正十年出為江州路總管斬黃盜起上攻

守之策於行省請兵屯江北以扼賊衝不報歎曰吾不知死所

矣十二年徐壽輝陷武昌其將丁普郎來寇郡黼大敗之遂北

還謂其下曰賊不利於陸必由水攻乃設七星樁以長木數千

冒鐵錐於杪暗植沒岸水中會西南風急賊果揚帆至遇樁不

得動為黼火翎箭所射焚溺無算已而賊勢轉盛黼提孱旅中

外援絕賊遂薄城焚門而入巷戰不支揮劍叱賊曰殺我毋殺

百姓賊刺之墮馬與從子秉昭俱死贈隴西郡公諡文忠立廟

江州賜額崇烈官其子秉方集賢待制元史本傳

察罕帖木兒字廷瑞沈邱人至元十一年盜發汝潁江淮諸郡

俱陷察罕奮義起兵破羅山大敗賊於虎牢授達魯噶齊又破

淮右掠汴賊三十萬晉兵部尚書賊陷商州察罕長驅而前與
戰輒勝授陝西行省左丞山東賊犯京畿徵兵入衛察罕赴召
擊賊走之河東悉平安豐賊劉福通據汴梁察罕攻破之拜河
南行省平章政事以田豐據山東久遣書諭以順逆豐及王士
誠皆降而陰圖叛請察罕行觀營壘及至豐營竟為王士誠所
刺訃聞帝震悼追封潁川王諡忠襄元史本傳

舊志云沈邱元時以地省入潁州故錄之按唐析項城置沈
邱宋元因之皆在今河南陳州府沈邱縣東南三十里非今
潁州地則察罕不得為今潁州人特沿潁州府志收入察罕
因及擴廓而曲為之說似未深考
曹彥可亳州人當妖寇起里中無賴子揭帛於竿羣趨彥可家
劫之使寫旗彥可辭乃迫以刃彥可唾曰我儒者惟知有君父

豈為汝寫旗耶賊怒見殺諡節愍元史類編

擴廓帖木兒本王姓小字保保察罕帖木兒甥也養以為子順
帝賜名擴廓帖木兒察罕被刺即軍中拜如察罕官帥兵圍益
都穴地而入執田豐王士誠剖其心以祭察罕又以討字羅平
內難功封河南王明兵偪大都順帝北走擴廓入援不及大敗
明師於韓店後為徐達常遇春所敗北走擁兵塞上又奔和林
順帝崩太子復任以國事明祖復遣徐達李文忠馮勝等分道
出塞至嶺北與擴廓遇大敗明兵自是不復出塞其後擴廓從
其主徙金山卒於哈刺那海之衙庭妻毛氏亦自經時洪武八
年也初太祖屢遣使通好不答既出塞復招諭不應太祖以是
愈心敬之明史本傳

明李傑壽州人霍邱縣志從渡江有功任廣武衛指揮僉事北

征歿於陣洪武十七年九月孝慈皇后服除冊封其女為淑妃

攝六宮事明史后妃傳

李恂字恪如亳州人洪武初舉人擢兵科給事遷吏科交趾叛

帥師入蜀建文遜國遂不返永樂敕諭召之即自縊死穎州府志

梁文穎州衛指揮同知正德七年流寇圍穎上文率軍迎擊於

蓮花鋪奮勇前登所向披靡已而賊眾大至圍之數重眾寡不

敵力戰死之詔加優恤以其子安國為指揮江南通志

張琥太和人嘉靖癸未王堂作亂琥率其子姓數人應募赴戰

時鳳穎徐陳宿亳歸德官軍列為七陣賊先犯鳳諸軍皆亂遂

潰琥遇害穎州府志

曾翀字習之霍邱人嘉靖己丑進士授南京刑部主事改御史

薛宗鎧劾太宰汪鋐鋐抗辯極詆宗鎧翀上疏言鋐一經論劾

輒肆中傷諍臣杜口蔽塞言路罪莫大帝罷鋐官又惡翀諍臣
杜口之語杖闕下翀垂斃且曰臣言已行臣死何恨神色不變

隆慶初追贈太常少卿諡忠節明史馮恩傳

張鶴鳴字元平穎州人萬曆丙戌進士授歷城縣知縣歷官貴

州巡撫大破紅苗追剿孫坪賊首老蜡雞威名甚著遷兵部右

侍郎總督陝西三邊軍務未上轉左侍郎臥疾家園未赴天啟

元年始履任論平苗功進本部尚書又謝病歸六年起為南京

工部尚書尋以安邦彥未滅改兵部總督貴州四川雲南湖廣

廣西軍務事未就莊烈帝嗣位言官論其前事予告歸崇禎八

年流賊陷穎州執鶴鳴倒懸於樹罵賊死年八十五明史本傳

張鶴騰字元漢鶴鳴弟也萬曆乙未進士授潞城縣知縣調榆

次歲饑煮粥散給投藥施楫收育棄嬰後皆以張為姓累官雲

南副使行誼醕篤過於其兄請告同里流寇至與兄鶴鳴督戰
守禦城陷死之鶴鳴長子大同字同甫見父叔死伏尸大慟罵
賊而死合家男女殉難者十餘人明史張鶴鳴傳
江南通志

國朝乾隆四十一年鶴騰

賜諡烈愍大同

賜祀忠義祠勝朝殉節
諸臣錄

田之穎潁州人官中書舍人城陷與同州黃巖知縣劉道遠光
祿寺署正李生白夔州府訓導丁嘉遇舉人郭三杰諸生韓光
祖等皆死之光祖進士獻策父也被執賊摔使跪叱曰吾生平
讀書只知忠義遂大罵賊殺之妻武氏並一妹一女及獻策妻
李氏皆赴井死妾李氏方有娠剖腹剔胎死次子定策孫日曦
皆罵賊死明史尹
夢龍傳

國朝乾隆四十一年田之穎李生白劉道遠並

賜諡節愍丁嘉遇郭三杰韓光祖定策日曦並

賜祀忠義祠勝朝殉節
諸臣錄

李從師潁州人官潁州衛指揮潁州衛隸河南流賊至與同州
潁州衛指揮僉事王廷俊千戶孫升田三震百戶羅元慶圍得
民王之麟俱乘城戰死明史尹
夢龍傳

國朝乾隆四十一年李從師王廷俊並

賜諡節愍孫升田三震羅元慶田得民王之麟並

賜祀忠義祠勝朝殉節
諸臣錄

李元白潁州人官光祿寺署丞城陷與妻王氏同殉節同州楊
南者曾官會甯知縣亦不屈死江南
通志

國朝乾隆四十一年並

賜諡節愍

勝朝殉節諸臣錄

劉廷傳字惟中潁州諸生布政使九光之從子也萬曆末楊應龍反播州調兵及潁潁兵不願行將殺護行尉為亂廷傳攜酒脯至郭外與之雜坐勉以立功且為保任其家室兵得不亂崇禎八年流寇至城北有高樓矚城中廷傳請於州欲先據之而所統皆市人不可用賊遂據樓以攻城陷廷傳亟還家拜祖廟促家人入井而危坐待賊遂遇害

明史尹夢龍傳潁州府志

劉廷石字洞甫廷傳從弟九光之子也賊至廷石分守西城中賊刃未絕口授友人方略令繕牘上當事旋卒

明史尹夢龍傳

甯儉字堯光潁州貢生散家財募戰士得二百人寇薄城命子印昌率之出南城禦敵賊轉北城據高樓以攻城陷儉與妻楊氏端坐罵賊而死幼孫龍亦殉焉

江南通志

白精忠潁州舉人賊至母袁氏遣之行不忍去遂遇害

明史張清雅傳

張維寅潁州諸生城陷以護母被害

江南通志

劉大濟字汝楫潁州諸生城陷自投城西七里河而死鄉人私諡曰節愍先生時同州紳士同死者潁州衛百戶田之振前所百戶汪檀候選經歷汪邦弼貢生李茂叢楊得坤生員李維紀妻趙氏一家十八口投井死王致志同妻唐氏死又同時殉難者田大生聞于階聞于邦王國泰元鳳翔卞文斗王乾亨丁嘉運劉栻姚克智丁崇先郭之英姚同寅尚日暄陳純李孕生王致和申華郭之豪田之萃郭瑋馬負圖錢人瑋盧元貞馬案國馬柱國韓中佐楊于世王啟昌邢元錫熊叶夢王維新李汝珽盧傳世喻天敘楊士貞郭之產郭獬賀嘉貞聞慎言監生王文煥田之蔚田之尹田之茂武舉尚日濟李承訓醫官張濟民奉

祀生孔道隆儒士田之蕙丁振先共五十七人江南通志

檀之槐字星垣潁州諸生賊至以母柩在堂不忍去賊掠其家

之槐持杵連擊數賊賊怒磔之死移時兩目猶爍爍轉動有光

明史張清雅傳

王聘汝字起莘潁州人母時氏罵賊死聘汝憤甚糾聚鄰壯殺

賊力戰於楊家店死之江南通志

王印字雲卿潁州人工詩築慧湖別墅遊處其間旁有廢冢笑

曰此吾鄰也作鄰墓記以護焉創宗祠以聯族人冠婚喪祭一

以古禮為法素善射寇至登城射賊多死及陷自縊於城頭古

柏而死江南通志

陳繼信字鳳津潁州人工畫學書學劍嘗鑄一刀上刻殺賊報

天子五字賊至結束精嚴或言其老當自愛不聽出擊賊於城

南手殺數人刀折而死江南通志

鹿勁字見功潁州人生有神勇賊攻城勁守北門賊攀堞上者

擊踏無算賊登樓射之中十餘矢城陷猶巷戰殺賊而死時州

中布衣同死者元中元嚴克長王尙廉元旋祁標王公枋張肅

範王之幹趙謙祁瀛潘守仁汪茂椿黃國王九成張思明共十

五人江南通志

國朝乾隆四十一年自劉廷傳以下八十五人並

賜祀忠義祠勝朝殉節諸臣錄

田既庭霍邱人官淮安府教授戴廷對霍邱人官福州通判賊

陷霍邱時既庭廷對在籍皆死之明史盧謙傳

國朝乾隆四十一年廷對

賜諡節愍既庭

重刊安後通志卷之二十四
賜祀忠義祠

勝朝殉節諸臣錄

王毓貞字培元霍邱人崇禎庚午舉人賊至不屈死同邑扈永甯以貢生任太湖訓導抵任未半載寇至與子生蘭皆不屈死

明史盧謙傳霍邱縣志

張燦垣霍邱人賊屠城燦垣以救父罵賊死

江南通志

國朝乾隆四十一年並

賜祀忠義祠

勝朝殉節諸臣錄

李心唯亳州人流賊至泣守母喪被殺子果厲聲罵賊亦見殺父子皆諸生

明史張清雅傳

李如龍亳州人闖賊陷城執其母奮力擊賊與妻劉氏俱為所

殺

江南通志

李猶龍如龍從兄守親柩不去亦為所殺

江南通志

雅元聲亳州舉人寇脅之從罵賊與子俱死

江南通志

國朝乾隆四十一年並

賜祀忠義祠

勝朝殉節諸臣錄

干澤九太和庠生闖賊至執其父有成澤九請代勿許遂同受刃妻王嫂李挺立詈罵亦同死

潁州府志

高應岡太和人隨父仕燕京任滿歸過濟甯父為賊所執應岡

救父被殺

江南通志

秦培篤太和諸生流寇至與妻王氏俱被獲大罵不屈遂同被

害

江南通志

秦思凡太人流寇至獲之城外即驅攻城思凡大呼曰賊不過牛皮覆車以避矢石所懼惟火語未畢賊碎其首守城者遂

以柴藁焚牛車城因得全

江南通志

國朝乾隆四十一年並

賜祀忠義祠勝朝殉節諸臣錄

李琦之潁州人寇執其父琦之請代甚哀賊不聽琦之憤罵死潁州府志

王璇潁州人年僅七歲賊至其祖國泰不屈死父乾亨憤罵亦死璇以身蔽其父遂一門三代同死潁州府志

郭尙智潁上治工崇禎壬午為革左等南五營賊所執使誘城中人啟門佯許之至城下大呼曰賊至矣賊怒斫之守陴者驚起城獲全潁州府志

汪長宏霍邱廩生賊至城破挺身受刃同邑庠生朱昌祚格鬪被數創罵不絕口而死潁州府志

汪可奇霍邱人賊至脅從不屈死其子庠生毓秀以救父死毓

秀妻王氏奮起以石投賊亦死潁州府志

任之俊亳州貢生為闖賊所執神色不變而死潁州府志

穰永壽蒙城人同弟永茂永坤永清永齡俱以殺賊陣亡同邑

姜潤德郭景星俱殺賊陣亡潁州府志

盧九華蒙城盧姓之僕因主被賊殺持刀罵賊而死又有趙勤

者潁上趙天錫之僕賊至錫一家已避而錫偶歸適遇賊勤匿

錫柴垛中賊榜勤至死不言其主所在又廖福者潁上合廖某

家丁也善制火器賊數攻圍而潁上獨全福力居多後賊復攻

福自起放礮擊之礮炸而死合邑慟之潁州府志

石璘石珣葉影葉彩馬慎生湯洹葛挺生朱良弼王五美邢之

俊俱潁上諸生甲申夏營將屠師覽兵叛掠潁上慘不可言璘

等倡合千人剿之為賊所紿敗績一時兄弟朋友俱歿士林哀

直隸安徵通志 卷三十四 忠節 十

之稱為十義士云府志 王之鼎蒙城庠生明末寇起之鼎分守城隅賊有魏坦者為之鼎所敗獲其孥坦仇之後坦受招撫賄將某用間殺之合邑冤之府志

周應正武平衛人正千戶由武舉任浙江都司倭寇犯杭州應正募得義兵千人趨賊營斬首百餘級乘勝追至黃山遇伏應正力戰陣亡贈本衛指揮僉事江南通志

馬大賢太人流賊至其子思孔以材官率丁壯守城射死賊甚眾其家在城外賊遂執大賢以脅之大賢至城下大呼曰兒勉思善守無以我故為賊屈也賊怒殺之太和縣志

朱崇向太和人賊趙懷遠偪城崇向搏擊斬數人為流矢所中而死同邑咎世富王泮皆以守城擊賊死又有豆元亨者不知

何處人寇至太和元亨奮刀躍馬連殺四賊馬逸入水為賊所害太和縣志

扈永甯霍邱人崇禎中太湖訓導賊犯城或勸其去永甯不從賊至猶聞誦讀聲遂遇害一統志 舊志安慶府名宦 新移

娘至解州府屬晉安縣西一志

嘉禾籍晉州人崇南中大尚書娘其夫亦留不

唐

同慶人竄至太原示章晉氏甄鳳戲妹四娘混錄人水絲娘

